

Кейинги ўринларда «Буюртмачи» деб юритиладиган Элликқалъа тумани Ободонлаштириш бошқармаси номидан Низоми асосида иш кўрувчи Н.Сержанов бир томондан ва кейинги ўринларда «Пудратчи» деб юритиладиган “Жалолиддин Лолахон” МЧЖ номидан Низоми асосида иш кўрувчи А.Балтаев иккинчи томондан Элликқалъа туман, “Навой” ОФЙ пиёдалар йулакчасини жорий таъмирлаш объектни фойдаланишга тайёр ҳолда қуришга доир пудрат шартномасини туздилар.

## I. ТАРИФЛАР

1. Мазкур шарномада қуйидаги тарифлар қўлланилади:

**ижро ҳужжатлари** – натурада бажарилган ишлар ёки ишларни бажариш учун масъул бўлган шахслар томонидан уларга киритилган ўзгаришларнинг ушбу ишчи чизмаларга мувофиқлик тўғрисида ёзувлар билан биргаликда объект қурилишига ишчи чизмалар туркуми, сертификатлар, техник паспортлар ва ўрнатилган асбоб-ускуналарнинг сифатини ва ишларни бажаришда қўлланилган материаллар, конструкциялар ва деталларнинг сифатини тасдиқловчи бошқа ҳужжатлар, беркитилган ишлар тасдиқланганлиги тўғрисида далолатномалар, айрим масъулиятли конструкциялар оралик даврда қабул қилиниши тўғрисидаги далолатномалар, монтаж қилинган асбоб-ускуналарнинг яқка тартибдаги синов тўғрисидаги далолатномалар, ишларни бажариш дафтарлари ҳамда қурилиш нормалари ва қоидаларида назарда тутилган бошқа ҳужжатлар;

**қурилиш майдони**- мазкур шартнома (контракт) доирасида барча ишларни бажариш даврида далолатнома бўйича “Буюртмачи” томонидан “Пудратчига” берилган ер участкаси.

Объектнинг қурилиш майдони чегараси ажратиб қўйилади ёки бош режага мувофиқ белгиланадиган бошқа белгилар билан белгилаб қўйилади;

**вақтинчалик иншоотлар**- пудратчи томонидан қурилиш майдонида ўрнатиладиган ва ишларни бажариш учун зарур бўлган ҳар қандай типдаги вақтинчалик бинолар ва иншоотлар;

**беркитиладиган ишлар** - сифати ва аниқлигини кейинги ишлар бажарилгандан кейин аниқлаш мумкин бўлмаган кейинчалик бажариладиган ишлар ва конструкциялар билан беркитиладиган ишлар;

**шартнома нархини бўлиб чиқиш**- ишларнинг ҳар бир босқичи ва ёки турлар қийматини аниқ белгилаган ҳолда шартнома бўйича объектнинг умумий қийматини босқичларга тақсимлаш.

## II- ШАРТНОМА МАВЗУСИ

2. Пудратчи мазкур шарнома шартларига томондан Элликқалъа туман, “Навой” ОФЙ пиёдалар йулакчасини жорий таъмирлаш ишлари бўйича лойиҳада кўзда тутилган объектни фойдаланишга тайёр ҳолда қуриш бўйича қурилиш ишларини бажариш мажбуриятини олади. Буюртмачи эса Пудратчига қурилиш ишларини бажариш учун зарур шароитлар яратиш, уларни қабул қилиш ва тўловни амалга ошириш мажбуриятини олади.

## III- ШАРНОМА БЎЙИЧА ИШЛАР ҚИЙМАТИ.

3. Мазкур шартнома бўйича Пудратчи томонидан бажарилган танлов савдоси (танлов) натижасида аниқланган танлов комиссиясининг қарори 2022 йил «19» августдаги 136432 -сонли байённома) билан тасдиқланган ишлар қиймати барча солиқлар, йиғимлар ва ажратмаларни ўз ичига олган ҳолда жорий нархларда 165 600 000 (бир юз олтмиш беш миллион олти юз минг) сўмни ташкил этади.

4. Ишлар қиймати узил-кесил ҳисобланади ва кейинчалик қайта кўриб чиқиши мумкин эмас, қуйидаги ҳолларда бундан мустасно:

Қурилиш қийматини кўпайтиришга енгиб бўлмайдиган куч (форс-мажор) ҳолатлари сабаб бўлганда;

Ишлар ҳажми Буюртмачи томонидан ўзгартирилганда;

Объектнинг қурилиши бир йилдан ортиққа ўзгартирилганда;

5. Қурилиш муддати бир йилдан ортиқ бўлганда иккинчи йилга ва кейинги йилларга шартномавий нархларни аниқлаштириш қонун ҳужжатларида белгиланган тартибда амалга оширилади.

6. Тегишли асослар мавжуд бўлганда , санаб ўтилган ўзгаришлар Буюртмачи билан Пудратчи ўртасидаги шартномага қўшимча битим билан расмийлаштирилади.

#### IV- ПУДРАТЧИ МАЖБУРИЯТЛАРИ.

7. Мазкур шартнома бўйича Пудратчи мазкур шартноманинг II- бўлимида назарда тутилган ишларни бажариш учун:

Барча ишларни мазкур шартномада ҳамда унга иловага мувофиқ ишларни бажариш жадвалида назарда тутилган ҳажмда ва муддатларда ўзининг кучлари ва ёки жалб қилинган кучлар билан бажариш ҳамда ишни буюртмачига мазкур шартнома шартларига мувофиқ топшириш;

Иловага мувофиқ қурилиш майдонига зарур қурилиш материаллари, буюмлар, конструкциялар, асбоб-ускуналар ва бутловчи буюмлар , қурилиш техникасини етказиб бериш, уларни қабул қилиш, тушириш, омборга жойлаш ва сақлаш;

Қурилиш майдони ҳудудида вақтинчалик иншоотлар қуриш;

Буюртмачини пудрат шартномалари тузилиши давомида субпудратчилар билан шартномалар тузилиши , шартнома мавзуси , субпудратчининг номи ва манзили туғрисида хабардор қилиш;

Қурилиш майдонида техника хавфсизлиги , ишларни бажариш вақтида атроф муҳитни, утказилган дарахтларни ва ер участкасини муҳофза қилиш бўйича зарур тадбирлар бажарилишини таъминлаш , шунингдек ёритиш чироқлари ўрнатиш;

Қурилиш таваккалчиликларини суғурта қилиш ;

Мазкур шартнома бўйича объектни фойдаланишга қабул қилиб олиш туғрисидаги далолатнома имзоланган кундан бошлаб бир ой муддатда қурилиш майдонини ўзига тегишли қурилиш машиналари ва асбоб-ускуналари, транспорт воситалари, анжомлар, приборлар, инвентарлар, қурилиш материаллари, буюмлар, конструкциялар ҳамда вақтинчалик бинолардан бўшатиш;

Қурилиш майдонини қўриқланишини таъминлаш ;

Мазкур шартномада назарда тутилган барча мажбуриятларни тўлиқ ҳажмда бажариш мажбуриятини ўз зиммасига олади.

8. Пудратчи мазкур шартнома бўйича барча ишларнинг ўз кучлари билан ва субпудратчилар томонидан зарур тарзда бажарилиши ўз кучлари ҳамда объектнинг фойдаланишга тайёр ҳолда топширилиши учун Буюртмачи олдида тўлиқ мулкый жавоб беради.

#### V. БУЮРТМАЧИНИНГ МАЖБУРИЯТЛАРИ.

9. Мазкур шартномани бажариш учун Буюртмачи:

мазкур шартнома имзоланган кундан бошлаб уч кун муддатда мазкур шартномага , иловага мувофиқ ишларни бажариш учун яроқли бўлган қурилиш майдонини объект қурилиши ва қурилиш тугаллангунгача бўлган даврда далолатнома бўйича Пудратчига бериш ;

ишлар бажарилиши устидан доимий архитектура-қурилиш назоратини ва мазкур шартномада қайд этилган Пудратчи томонидан қабул қилинган мажбуриятлар ва бошқа функцияларга риоя этилишини назорат қилиш, Пудратчидан тугалланган ишларни қабул қилиб олишни таъминлаш ;

Пудратчининг барча мурожаатларини ўн кун муддатда кўриб чиқиш ва қарор қабул қилиш;

Молиялаштириш жадвалига биноан Пудратчига 2-иловага мувофиқ аванс бериш ва жорий молиялаштиришни амалга ошириш ;

Мазкур шартнома имзоланган кундан бошлаб, 2 ой давомида Пудратчига ишларни қабул қилиш учун зарур бўлган ижро ҳужжатларини рўйхатини тақдим этиш;

Мазкур шартномада назарда тутилган мажбуриятларни тўлиқ ҳажмда бажариш мажбуриятини олади;

## VI. ИШЛАРНИ БАЖАРИШ МУДДАТЛАРИ

### 10.Шартнома:

миллий валюта «сўмда» ўзаро ҳисоб-китоб қилинганда томонлар уни имзолаган пайдан бошлаб;

кейинчалик ЭАВга конвертация қилган ҳолда миллий валютада «сўмда» ўзаро ҳисоб-китоб қилинганда шартнома қонун ҳужжатларига мувофиқ рўйхатдан ўтказилгандан кейин кучга киради;

11.Пудратчи мазкур шартномага илова қилинадиган молиялаштириш жадвалига мувофиқ биринчи аванс тўлови тушган кундан бошлаб ишларни бажаришга киришади.

12.Танлов савдолари натижаси бўйича аниқланган қурилишнинг давом этиш вақти ишлар бошланган кундан эътиборан 30 кунни ташкил этади.

13.Мазкур шартома бўйича ишларни бажариш жадвалига мувофиқ амалга оширилади.

## VII. ТЎЛОВЛАР ВА ҲИСОБ-КИТОБЛАР

14.Буюртмачи Пудратчига шартнома бўйича ишлар умумий жорий кийматининг 30% миқдоридан аванс ўтказилади, бу **49 680 000 (қирк туккиз миллион олти юз саксон минг) сўмни** ташкил этади, қолган 70 % , яъний **115 920 000 (бир юз ун беш миллион туккиз юз йигирма минг) сўм** маблағ эса объектни молиялаштириш ва ишларни бажариш жадвалига асосан олиб борилади.

## VIII..ЕНГИБ БЎЛМАЙДИГАН КУЧ

### (ФОРС-МОЖОР) ҲОЛАТЛАРИ

16. Агар ушбу шартнома бўйича мажбуриятлар қисман ёки тўлиқ бажарилмаслиги табиат ҳодисалари ва бошқа енгиб бўлмайдиган куч ҳолатлари натижасида келиб чиқса ва агар бу ҳолатлар мазкур шартноманинг бажарилишига бевосита таъсир этса, томонлар бундай қисман ёки тўлиқ бажарилмаслик учун жавобгарликдан озод этиладилар.

17. Агар енгиб бўлмайдиган куч ҳолатлари ёки уларнинг оқибатлари бир ойдан кўп вақтга чузилса, у ҳолда Пудратчи ва Буюртмачи ишларни давом эттириш ёки уларни консервация қилиш учун қандай чоралар кўрилишини муҳокама қиладилар .

18.Агар томонлар икки ой ичида келиша олмасалар , у ҳолда томонларнинг ҳар бири шартнома бекор қилинишини талаб қилишга ҳақлидир.

## IX. ҚУРИЛИШИ ТУГАЛЛАНГАН ОБЪЕКТНИ ҚАБУЛ ҚИЛИБ ОЛИШ

19.Қурилиши тугалланган объектни қабул қилиб олиш шартномани имзолаш санасигача амалда бўлган белгиланган тартибга мувофиқ мазкур шартномада назарда тутилган барча мажбуриятлар томонлар тарафидан бажарилгандан кейин шунингдек, қурилиши тугалланган объектларни фойдаланишга қабул қилиб олишнинг белгиланган қоидаларига биноан амалга оширилади.

20. Объектлар уларнинг фойдаланишга тайёрлиги тўғрисида Пудратчининг ёзма билдиришномаси Буюртмачи томонидан олинган кундан бошлаб 3 кун мобайнида қабул қилиб олинади.

21 .Пудратчи қурилиши тугалланган объектни қабул қилиб олиш бошланишидан 5 кун олдин мазкур шартноманинг V бўлимига мувофиқ Буюртмачига Пудратчи томонидан белгиланган тартибда икки нусхада ижро ҳужжатларини беради.Пудратчи Буюртмачига ушбу ҳужжатлар тўплами амалда бажарилган ишларга тўлиқ мос келишини ёзма равишда тасдиқлаши керак.

22.Қабул қилиб олинган пайдан бошлаб объект Буюртмачининг мулкига айланади.

## X. КАФОЛАТЛАР

23. Пудратчи : барча ишлар тўлиқ ҳажмда ва мазкур шартнома шартларида белгиланган муддатларда бажарилишини ;

лойиҳа ҳужжатларига ҳамда қурилиш меъёрлари , қоидалари ва техник шартларига мувофиқ барча ишларни бажариш сифатини ;

Ўзи томонидан қурилиш учун қўлланиладиган қурилиш материаллари, асбоб-ускуналари ва бутловчи буюмлар, конструкция ва тизимлар сифатини, уларнинг лойиҳа ҳужжатларини кўрсатишга сертификатларга, давлат стандартларига ҳамда техник шартларга мувофиқлигини, ишларни қабул қилиш ва объектдан фойдаланишнинг кафолатли даврида аниқланган камчиликлар ва нуқсонларни ўз вақтида бартараф қилишни;

объектдан фойдаланилганда муҳандислик тизимлари ва ускуналарнинг фойдаланиш қоидаларига мувофиқлигини кафолатлайди.

## **XI. ТОМОНЛАРНИНГ МУЛКИЙ ЖАВОБГАРЛИГИ**

24. Пудратчи объектни ўз вақтида ишга тушириш бўйича ўз мажбуриятларини бузганлиги учун Буюртмачига муддати ўтказиб юборилган ҳар бир кун учун мажбуриятларнинг бажарилмаган қисмининг 0,5 фоизи миқдорида пеня тўлайди, бироқ бунда пенянинг умумий суммаси объект шартномавий жорий қийматининг 50% дан ошмаслиги лозим.

Буюртмачи томонидан топилган нуқсонлар ва камчиликлар ўз вақтида бартараф этилмагани учун Пудратчи Буюртмачига муддати ўтказиб юборилган ҳар бир кун учун сифатсиз бажарилган ишлар қийматининг 0,5% миқдорида пеня тўлайди, бунда пенянинг умумий суммаси сифатсиз бажарилган ишлар қийматининг 50 %дан ошмаслиги керак.

Пеня тўлаш Пудратчини ишларни бажаришнинг ёки хизматлар кўрсатишнинг кечикиши туфайли отказилган зарарларни қоплашдан озод қилмайди.

25. Агар бажарилган ишлар сифати белгиланган стандартларга, қурилиш меъёрлари ва қоидаларига, иш ҳужжатларига мувофиқ бўлмаса, у ҳолда Буюртмачи «Давархитектқурилишназорат» инспекциясининг хулосаси асосида объектни қабул қилиш ва унинг учун ҳақ тўлашдан бош тортиш, шунингдек Пудратчидан сифати зарур даражада бўлмаган ишлар қийматининг 0,5 % миқдорида жарима ундириш ҳуқуқига эга.

26. Шартнома бўйича мажбуриятлар бажарилмаганлиги учун мазкур моддада назарда тутилган жазолардан ташқари шартномани бузган томон иккинчи томонга бошқа томон тарафидан қилинган ҳаражатларда, мол-мулкнинг йўқотилиши ёки шикастланишида, шу жумладан берилган фойдада ифодаланадиган пеня билан қопланмаган зарарларни қоплайди.

27. Муддат ўтказиб юборилганлиги ёки мажбуриятларнинг бошқача тарзда зарур даражада бажарилмаганлиги учун пеня тўлаш томонларни ушбу мажбуриятларидан озод қилмайди.

28. Етказиб берилган товарлар (ишлар, хизматлар) ҳақини ўз вақтида тўламаганлик учун сотиб олувчи (буюртмачи) етказиб берувчига ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 50 фоизидан ортиқ бўлмаган миқдорида пеня тўлайди.

## **XII. КОРРУПСИЯГА ҚАРШИ КУРАШИШГА ДОИР МАЖБУРИЯРТЛАР**

Шартнома бўйича ўз мажбуриятларини бажаришда томонлар: коррупсияга қарши курашиш тўғрисидаги Ўзбекистон Республикаси қонунчилиги талабларига зид бўлган ҳар қандай хатти-ҳаракатларини амалга оширмаслик;

Шу жумладан пора таклиф қилмаслиги, ваъда бермаслиги, товламачилик қилмаслиги, тўғридан тўғри ёки билвосита пора олишига, яъни моддий бойликлар ёки мулкий имтиёزلарни олишга розилик бермаслиги, пора берувчининг манфаатлари йўлида ходим ўз лавозимидан фойдаланган ҳолда амалга ошириши ёки амалга ошириши мумкин бўлган муайян ҳаракатларни бажармаслиги шарт.

Томонлар ушбу ҳаракатларнинг олдини олиш учун чоралар кўрилишини кафолатлайдилар

## **XIII. НИЗОЛАРНИ ҲАЛ ЭТИШ ТАРТИБИ**

29. Шартномани бажаришда ва бекор қилишда, шунингдек, отказилган зарарларни қоплашда пайдо бўладиган низоли масалаларни томонлар ҳал этолмаса улар қонун ҳужжатларида белгиланган тартибда иқтисодий суди томонидан кўриб чиқилади.

## **XIV. АЛОҲИДА ШАРТЛАР.**

30. Мазкур шартнома имзолангандан кейин , мазкур шартномага тегишли бўлган томонлар ўртасидаги барча олдинги ёзма ва оғзаки битимлар , ёзишмалар , томонларнинг ўзаро келишувлари ўз кучини йўқотади.

31. Ушбу шартнома туман “Ғазначилик” бўлинмасида рўйхатдан ўтган кундан бошлаб, **2022 йил 31 декабр**гача ўз кучида қолади.

32 Мазкур шартномада назарда тутилмаган бошқа барча ҳоллар учун амалдаги қонун ҳужжатлари нормалари қўлланилади.

33. Шартномага киритиладиган ҳар қандай ўзгартириш ва қўшимчалар томонларнинг ёзма келишуви асосида талабларнинг муҳри ва имзоси билан тасдиқланган ҳужжат асосида бўлади.

34. Мазкур шартнома бир хил юридик кучга эга бўлган ( 2 нусхада) тузилди.

## ХV.ТОМОНЛАРНИНГ БАНК РЕКВИЗИТЛАРИ

### ВА ЮРИДИК МАНЗИЛЛАРИ :

#### «БУЮРТМАЧИ»

Элликқалъа тумани Ободонлаштириш бошқармаси

Манзили: Бўстон шаҳри, Турткул шох кўчаси 1- уй

Тел.факс: 55-102-14-58

Ш/хв: 301821860352507065200110001

СТИР:204648577 ОКОНХ:90290

Молия Вазирлиги ягона Ғазначилик бўлинмаси

х/р: 23402000300100001010

СТИР:201122919 МФО:00014

Банк номи: Марказий банк Бош Бошқармаси

Тошкент шаҳри

Раҳбар  Н.Сержанов.

#### «ПУДРАТЧИ»

“Жалолоддин Лолахон” МЧЖ

“Манзили: Элликқалъа тумани

Тел факс97-789-47-70

х/р: 20208000200227446001

Банк номи: АТБ “Микрокредитбанк”

Элликқалъа филиали

ИНН: 302531484 МФО: 01055

Раҳбар  А.Балтаев



**YURIDIK AHAMIYATGA EGA HUJJATLARNING  
QONUNCHILIKKA MUVOFIQLIGI TO'G'RISIDA HUQUQIY  
XULOSA**

**1.Loyihaning turi: Shartnoma**

**2.Loyihaning nomi: Pudrat shartnomasi**

Keyingi o'rinlarda «Buyurtmachi» deb yuritiladigan **Obodonlashtirish boshqarmasi** nomidan **Nizomi** asosida ish ko'ruvchi **boshlig'i N.Serjanov** bir tomondan va keyingi o'rinlarda «Pudratchi» deb yuritiladigan **“Jaloliddin Lolaxon” MChJ** nomidan **Nizomi** asosida ish ko'ruvchi **A.Baltaev** ikkinchi tomondan **Ellikqal'a tuman, “Navoiy” OFY** **piyodalar yo'lakchasini joriy ta'mirlash va** obektni foydalanishga tayyor holda qurishga doir pudrat shartnomasi loyihasi to'g'risida.

**3.Loyiha ishlab chiqaruvchisi va kiritilgan sana haqidagi ma'lumot:**

Ellikqal'a tumani **Obodonlashtirish boshqarmasi** tomonidan 2022-yil 29-avgustda ishlab chiqqan va dasturga 2022-yil 29-avgustda kiritilgan. Shartnoma loyihasiga **“Jaloliddin Lolaxon” MChJning guvoxnomasi va tanlov komissiyasining 2022-yil 19-avgustdagi 136432-sonli va bayonnomasi ilova qilingan.**

**4.Loyiha bo'yicha taklif va e'tirozlar:**

Mazkur shartnoma loyihasiga asosan **“Jaloliddin Lolaxon” MChJ** tomonidan shartnoma bo'yicha Pudratchi tomonidan bajarilgan tanlov savdosi natijasida aniqlangan tanlov komissiyasining qarori 2022-yil 19-avgustdagi bayonnomasi bilan tasdiqlangan ishlar qiymati barcha soliqlar, yig'imlar va ajratmalarni o'z ichiga olgan holda joriy narxlarda **165 600 000 (bir yuz oltmish besh million olti yuz ming)** so'mni tashkil etishi belgilangan.

Mazkur shartnoma loyihasi O'zbekiston Respublikasi 1998 yil 29-avgustdagi **«Xo'jalik yurituvchi sub'ektlar faoliyatining shartnomaviy huquqiy bazasi to'grisida»**gi O'RQ-670-1-son qonuni, O'zbekiston Respublikasi 2021-yil 22 apreldagi **“Davlat xaridlari to'grisida»**gi O'RQ-684-sonli qonuni, O'zbekiston Respublikasi Prezidentining 2018-yil 27-sentabrdagi **“Davlat xaridlari to'grisida»**gi qonunini amalga oshirish chora-tadbirlari to'grisida»gi PQ-3953-son qarori va O'zbekiston Respublikasi Prezidentining 2021-yil 14 sentyabrdagi **“Shartnomaviy munosabatlarni tubdan takomillashtirish chora-tadbirlari to'grisida»**gi PF-6313-sonli farmoniga asoslangan.

Ellikqal'a tumani **Obodonlashtirish boshqarmasi** tomonidan ishlab chiqilgan shartnoma loyihasini qabul qilish maqsadga muvofiq.

Markaz boshlig'i:



A.Kadirov  
29.08.2022-yil



Эллиққалъа тумани Ободонлаштириш бошкармасининг 2022 йил «ОБОД КИШЛОК» дастури учун ажратилган маблағни мақсадга мувофиқ харажат қилиш бўйича тузилган тендер комиссиясининг йиғилиш

### БАЁННОМАСИ № 5

Эллиққалъа тумани Ободонлаштириш бошкармасининг 2022 йил «ОБОД КИШЛОК» дастури учун ажратилган маблағга Эллиққалъа тумани Навоий ОФЙда пиёдалар йулакчасини жорий таъмирлаш ишлари учун.

|                 |              |                               |
|-----------------|--------------|-------------------------------|
| Комиссия раиси  | О.Саидалимов | Бош мухандис                  |
| Комиссия аъзоси | Б.Кенжаев    | Бош мутахассис                |
| Комиссия аъзоси | А.Хаджиев    | бош ҳисобчиси                 |
| Комиссия аъзоси | Д.Раджапов   | мухандис                      |
| Комиссия аъзоси | Р.ДЖумабаев  | Кадрлар бўйича бош мутахассис |

#### Тингланди

1. Комиссия аъзолари томонидан 2022 йил харажатлар сметасида белгиланган маблағдан Эллиққалъа тумани Навоий ОФЙда пиёдалар йулакчасини жорий таъмирлаш ишларини таъмирлаб берувчи ташкилотлардан келиб тушган баҳолар, шу таъмирлаш баҳоларини аниқлаш мақсадида куйидаги Жалолиддин Лолахон МЧЖ, Исламбай Римов МЧЖ лар такдим қилган тижорат таклифлари кўриб чиқилди.

Ушбу таклифлар бўйича комиссия Эллиққалъа тумани Навоий ОФЙда пиёдалар йулакчасини жорий таъмирлаш ишларини №136432 сонли лотга 2022 йил 19-август кунги баённома билан Жалолиддин Лолахон МЧЖ энг яхши таклифни танлаш ёлиби булиб бу юзасидан 5 (беш) иш куни муҳокамада турди ва ҳеч қандай таклиф ва шикоятлар келиб тушмади.

Унга кўра куйдаги Товар (иш хизмат)ва махсулотлар етказиб берувчилардан куйдагича таклифлар тушди:

| №                        | Товар иш хизматлар номи   | Лот номери санаси ва бошланғич суммаси | Миқ дори | Жалолиддин Лолахон МЧЖ               | Исламбай Римов МЧЖ |  |
|--------------------------|---|--|----------|--------------------------------------|--------------------|--|
| <b>Ташкилот манзили:</b> |   |  |          | Эллиққалъа                           | Амударё            |  |
| <b>Ташкилот СТИРИ</b>    |   |  |          | <b>302531484</b>                     | <b>302989832</b>   |  |
| 1                        | Эллиққалъа тумани Навоий ОФЙда пиёдалар йулакчасини жорий таъмирлаш | Лот № 136432<br>163935610 сум          | 1        | 165 600 000                          | 165 900 000        |  |
| 2                        | <b>Умумий бал</b>   |  |          | 93,3                                 | 89,9               |  |
| <b>ЖАМИ:</b>             |   |  |          | <b>165 600 000</b>                   | <b>165 900 000</b> |  |
| Алохида шартлар          |   |  |          | Сифатли хизмат қилиш талаб қилинади. |                    |  |

Комиссия раиси О.Саидалимов сўзга чиқиб, бу ташкилотлар ичида Жалолиддин Лолахон МЧЖ Навоий ОФЙда пиёдалар йулакчасини жорий таъмирлаш ишларини, қисқа муддатларда сифатли ва мустахкамлигига кафолатини беришини айтиб ўтди ва 5 (беш) иш куни муҳокамаси якунланиб ҳеч қандай таклиф ва шикоятлар келиб тушмагани сабабли

## Қарор қилади :

1. Жалолоддин Лолахон» МЧЖ Навоий ОФЙда пиёдалар йулакчасини жорий таъмирлаш ишларини арзон сифатли ва мустахкамлигига кафолатини беришни инобатга олиниб, шу корхона билан шартнома тузилсин.

2. Ушбу Эллиққалъа тумани Навоий ОФЙда пиёдалар йулакчасини жорий таъмирлаш ишлари сифатини назорат қилиш ва ушбу қарорнинг бажарилиши ҳамда қурилиш ишларини қабул қилиб олиш бошқарма бошлиғи Н.Сержановга юклатилсин.

3. Ушбу қарорга асосан икки томонлама шартнома тузиш бош ҳисобчиси А.Хаджиевга ва белгиланган маблағни пул ўтказиш йўли билан ўз вақтида амалга ошири юклатилсин.

Комиссия раиси :




О.Саидалимов

Комиссия аъзолари :



Б.Кенжаев



А.Хаджиев



Д.Раджапов



Р.Джумабаев